

ZAPISNIK
sa 31. vanredne elektronske sjednice Upravnog odbora
Univerziteta u Tuzli održane 01.06.2023.godine

Zbog hitnosti u postupanju, organizirana je 31. vanredna elektronska sjednica Upravnog odbora na dan 01.06.2023. godine.

Članovima Upravnog odbora je dostavljen prijedlog dnevnog reda i to:

DNEVNI RED:

1. Utvrđivanje prijedloga Pravilnika o vrstama, načinima korištenja i rokovima raspodjele vlastitih javnih prihoda na Univerzitetu u Tuzli.

Elektronskim putem, članovima Upravnog odbora dostavljen je nacrt Pravilnika.

Određeno je da se izjašnjavanje po dnevnom redu i tački dnevnog reda provede u vremenu od 11,00 do 14,00 sati.

U radu sjednice učestvovali su predsjednik Upravnog odbora dr. sc. Semir Ahmetbegović, vanr. prof., te članovi: Suad Hasanović, Omer Beširović, dr. sc. Franc Andrejaš, vanr. prof., dr. sc. Anita Petrović, vanr. prof., dr. sc. Kenan Mandžić, vanr. prof. i Emina Duranović, student, koji su se elektronskim putem sa svoje e-mail adrese, izjasnili „za“ o dnevnom redu i nacrtu Pravilnika po tački dnevnog reda.

Prilog ovom Zapisniku čini ispis poruka elektronske pošte članova Upravnog odbora.

TAČKA 1.

Utvrđivanje prijedloga Pravilnika o vrstama, načinima korištenja i rokovima raspodjele vlastitih javnih prihoda na Univerzitetu u Tuzli.

Za utvrđivanje prijedloga Pravilnika po tački 1. dnevnog reda, glasalo je ukupno 7 (sedam) članova, čime je Upravni odbor, većinom glasova od ukupnog broja članova, utvrdio prijedlog Pravilnika koji glasi:

PRAVILNIK
o vrstama, načinima korištenja i rokovima raspodjele vlastitih javnih prihoda na
Univerzitetu u Tuzli

I OSNOVNE ODREDBE

Član 1.
(Predmet)

Ovim Pravilnikom utvrđuju se pravni osnov za ostvarivanje, način uplate, vrste, namjena, način korištenja i rokovi raspodjele vlastitih javnih prihoda koje ostvaruje Univerzitet u Tuzli (u daljem tekstu: Univerzitet).

Član 2.
(Definisanje pojmova)

- (1) Pod vlastitim javnim приходima (u daljem tekstu: vlastiti prihodi) u smislu ovog Pravilnika podrazumijevaju se prihodi koji:

- a) ne spadaju u kategoriju poreza, doprinosa, taksi, naknada i kazni u smislu odredbi Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“ broj: 104/22);
- b) nisu kao javni prihod propisani posebnom odredbom u zakonu;
- c) se ostvaruju obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt.

(2) Da bi se prihod smatrao vlastitim prihodom uslovi iz tačaka a), b) i c) prethodnog stava moraju biti kumulativno ispunjeni.

Član 3.

(Osnov za ostvarivanje vlastitih prihoda)

Pravni osnov za ostvarivanje vlastitih prihoda Univerziteta sadržan je u članu 144. stav (1) tačka d) i članu 146. Zakona o visokom obrazovanju – prečišćeni tekst («SlužbenenovineTuzlanskogkantonabroj: 21/21, 5/22, 11/22 i 16/22).

II VRSTE VLASTITIH PRIHODA

Član 4.

(Vrste vlastitih prihoda)

Vrste vlastitih prihoda koje ostvaruje Univerzitet su:

- a) prihodi koji se odnose na prodaju usluga pristupa i korištenja
 - prihodi od naknada za elektronsku prijavu ispita,
 - prihodi od participacije studenata za održavanje Informacionog sistema studenata (ISS),
 - prihodi od uplata za klasifikaciju po sistemu univerzalne decimalne klasifikacije (UDK),
 - prihodi od uplata za premiju osiguranja studenata;
- b) prihodi od iznajmljivanja poslovnih prostora:
 - zakupnina od iznajmljivanja fiskulturnih sala i sportskih terena,
 - zakupnina od iznajmljivanja prostora za postavljanje samouslužnih kafe aparata ili kombinovanih snack + kafe aparata,
 - zakupnina od iznajmljivanja poslovnih prostora,
- c) prihodi od iznajmljivanja opreme:
 - zakupnina od iznajmljivanja opreme;
- d) prihodi koji se odnose na realizaciju aktivnosti naučnoistraživačkog rada, izrade elaborata, studija, evaluacija, ekvivalencije, ekspertiza i drugih stručnih usluga:
 - prihodi od naučnoistraživačkog rada,
 - prihodi od umjetničko-istraživačkog i stručno-istraživačkog rada,
 - prihodi od naknada za akademsko priznavanje inostranih diploma,
 - prihodi od naknada za troškove postupka za dodjelu naziva univerzitetska bolnica;
- e) prihodi koji se odnose na realizaciju stručno-edukativnih aktivnosti i drugih oblika javnog istupanja (seminari, savjetovanja, okrugli stolovi):
 - prihodi od organizacije, kreiranja i izvođenja stalnih i povremenih oblika stručnog usavršavanja za treća lica, putem kurseva, seminara i drugih oblika povremenog obrazovanja, uključujući i izdavanje odgovarajućih uvjerenja,
 - prihodi od organizovanja konferencija, kongresa, simpozija i drugih oblika naučno-stručnih skupova,

- prihodi od organizovanja konferencija, kongresa, radionica, simpozija i drugih oblika umjetničkih i stručnih skupova;
- f) prihodi koji se odnose na distribuciju i prodaju svih oblika pisanih, foto i video publikacija, materijala, obrazaca:
- prihodi od naknada za obrasce u postupku izdavanja uvjerenja i drugih isprava iz službene evidencije budžetskog korisnika,
 - prihodi od uplata za štampanje diploma,
 - prihodi od prodaje knjiga u specijalizovanim prodavnicama,
 - prihodi od prodaje novina, papirne robe i pisaćeg pribora u specijalizovanim prodavnicama,
 - prihodi od štampanja i uslužnih djelatnosti u vezi sa štampanjem,
 - prihodi od knjigoveških i srodnih usluga;
- g) prihodi koji se odnose na usluge cikličnog obrazovanja, usluga škole u prirodi, produženog boravka u školama, školarina, upisnina i sl.:
- prihodi od školarine redovnih studenata koji se samostalno finansiraju,
 - prihodi od participacije redovnih studenata koji se finansiraju iz budžeta,
 - prihodi od školarine vanrednih studenata koji se samostalno finansiraju,
 - prihodi od školarina studenata postiplomskog/drugog ciklusa studija,
 - prihodi od školarina studenata doktorskog/trećeg ciklusa studija,
 - prihodi od dodatne participacije u troškovima za sticanje naučnog stepena magistra nauka,
 - prihodi od dodatne participacije u troškovima za sticanje naučnog stepena doktora nauka,
 - prihodi od dodatne participacije u troškovima drugog ciklusa studija,
 - prihodi od dodatne participacije u troškovima trećeg ciklusa studija,
 - prihodi od naknada za polaganje ispita studenata koji obnavljaju godinu,
 - prihodi od naknada za polaganje ispita studenata u statusu imatrikulacije,
 - prihodi od usluga smještaja i ishrane studenata u Studentskom centru;
- h) prihodi koji se odnose na prodaju proizvoda i usluga pravnim i fizičkim licima kojima Univerzitet nije dužan ustupati materijale i davati usluge:
- prihodi od prodaje rashodovane opreme,
 - prihodi od prodaje pomija iz Studentskog centra.

Član 5.

(Planiranje i uplata vlastitih prihoda)

(1) Vlastiti prihodi moraju biti planirani u Budžetu na poštošačkoj jedinici Univerziteta/Fakulteta/ADU za fiskalnu godinu.

(2) Na osnovu planiranih vlastitih prihoda planiraju se rashodi i izdaci koji će se pokriti iz tih prihoda.

(3) Vlastiti prihodi koristit će se u skladu sa Pravilnikom o procedurama korištenja ostvarenih vlastitih javnih prihoda budžetskih korisnika Tuzlanskog kantona, koji donosi ministar finansija.

(4) Vlastiti prihodi uplaćuju se na depozitni račun Tuzlanskog kantona na način i po procedurama propisanim Instrukcijom o procedurama za uplatu vlastitih javnih prihoda budžetskih korisnika Tuzlanskog kantona („Službene novine Tuzlanskog kantona“ broj: 7/23).

(5) Povrat više ili pogrešno uplaćenih vlastitih prihoda vršit će se u skladu sa Pravilnikom o procedurama za povrat i preknjiženje više ili pogrešno uplaćenih javnih prihoda sa Jedininstvenog računa trezora („Službene novine Tuzlanskog kantona“ broj: 14/15, 13/16 i 11/22).

III NAČIN I ROKOVI RASPODJELE VLASTITIH JAVNIH PRIHODA

Član 6.

(Korištenje vlastitih javnih prihoda)

(1) Vlastiti javni prihodi iz člana 4. ovog Pravilnika koriste se za pokriće rashoda nastalih obavljanjem poslova iz kojih proizilaze ti prihodi, a ostatak na kapitalne izdatke i to po vrstama prihoda na slijedeći način:

a) Vlastiti prihodi iz člana 4. tačka a) alineje 1., 2. i 3. ovog Pravilnika koristit će se za pokrivanje rashoda za materijal, sitan inventar i usluge i tekuće transfere (izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za tekuće održavanje i drugi tekući rashodi) i izdataka za nabavku stalnih sredstava.

b) Vlastiti prihodi iz člana 4. tačka a) alineja 4. ovog Pravilnika koristit će se za pokrivanje rashoda za materijal, sitan inventar i usluge i tekuće transfere (izdaci osiguranja, bankovnih usluga i usluga platnog prometa i drugi tekući rashodi).

c) Vlastiti prihodi iz člana 4. tačka b) ovog Pravilnika koristit će se za pokrivanje rashoda za materijal, sitan inventar i usluge i tekuće transfere (izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za tekuće održavanje, ugovorene i druge posebne usluge i drugi tekući rashodi) i izdataka za nabavku stalnih sredstava.

d) Vlastiti prihodi iz člana 4. tačka c) ovog Pravilnika koristit će se za pokrivanje rashoda za materijal, sitan inventar i usluge (izdaci za tekuće održavanje) i izdataka za nabavku stalnih sredstava.

e) Vlastiti prihodi iz člana 4. tačka d) alineje 1. i 2. ovog Pravilnika koristit će se za pokrivanje rashoda za materijal, sitan inventar i usluge i tekuće transfere (putni troškovi, izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prijevoza i goriva, unajmljivanje imovine, opreme i nematerijalne imovine, izdaci za tekuće održavanje, izdaci osiguranja, bankovnih usluga i usluga platnog prometa, ugovorene i druge posebne usluge, tekući transferi pojedincima, tekući transferi neprofitnim organizacijama i drugi tekući rashodi) i izdataka za nabavku stalnih sredstava.

f) Vlastiti prihodi iz člana 4. tačka d) alineje 3. i 4. ovog Pravilnika koristit će se za pokrivanje rashoda za materijal, sitan inventar i usluge i tekuće transfere (nabavka materijala i sitnog inventara, ugovorene i druge posebne usluge i drugi tekući rashodi).

g) Vlastiti prihodi iz člana 4. tačka e) ovog Pravilnika koristit će se za pokrivanje rashoda za materijal, sitan inventar i usluge i tekuće transfere (putni troškovi, izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prijevoza i goriva, unajmljivanje imovine, opreme i nematerijalne imovine, izdaci za tekuće održavanje, izdaci osiguranja, bankovnih usluga i usluga platnog prometa, ugovorene i druge posebne usluge, tekući transferi pojedincima, tekući transferi neprofitnim organizacijama i drugi tekući rashodi) i izdataka za nabavku stalnih sredstava.

h) Vlastiti prihodi iz člana 4. tačka f) ovog Pravilnika koristit će se za pokrivanje rashoda za materijal, sitan inventar i usluge i tekuće transfere (izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prijevoza i goriva, izdaci za tekuće održavanje, ugovorene i druge posebne usluge i drugi tekući rashodi) i izdataka za nabavku stalnih sredstava.

i) Vlastiti prihodi iz člana 4. tačka g) alineje 1., 2., 3., 10. i 11. ovog Pravilnika koristit će se za pokrivanje rashoda za materijal, sitan inventar i usluge i tekuće transfere (putni troškovi, izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prijevoza i goriva, unajmljivanje imovine, opreme i nematerijalne imovine, izdaci za tekuće održavanje, izdaci osiguranja, bankovnih usluga i

usluga platnog prometa, ugovorene i druge posebne usluge, tekući transferi pojedincima, tekući transferi neprofitnim organizacijama (Studentski parlament i UKK Student) i drugi tekući rashodi) i izdataka za nabavku stalnih sredstava.

j) Vlastiti prihodi iz člana 4. tačka g) alineje 4., 6. i 8. ovog Pravilnika koristit će se za pokrivanje rashoda za materijal, sitan inventar i usluge i tekuće transfere (putni troškovi, izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prijevoza i goriva, unajmljivanje imovine, opreme i nematerijalne imovine, izdaci za tekuće održavanje, izdaci osiguranja, bankovnih usluga i usluga platnog prometa, ugovorene i druge posebne usluge i drugi tekući rashodi) i izdataka za nabavku stalnih sredstava.

k) Vlastiti prihodi iz člana 4. tačka g) alineje 5., 7. i 9. ovog Pravilnika koristit će se za pokrivanje rashoda za bruto plaće i naknade plaća i doprinose poslodavca, rashoda za materijal, sitan inventar i usluge i tekuće transfere (putni troškovi, izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prijevoza i goriva, unajmljivanje imovine, opreme i nematerijalne imovine, izdaci za tekuće održavanje, izdaci osiguranja, bankovnih usluga i usluga platnog prometa, ugovorene i druge posebne usluge i drugi tekući rashodi) i izdataka za nabavku stalnih sredstava.

l) Vlastiti prihodi iz člana 4. tačka h) ovog Pravilnika koristit će se za pokrivanje rashoda za materijal, sitan inventar i usluge (nabavka materijala i sitnog inventara i izdaci za tekuće održavanje) i izdataka za nabavku stalnih sredstava.

(2) Studentski centar prihode od usluga smještaja i ishrane studenta u potpunosti koristi za pokriće ukupnih rashoda i izdataka i to za pokrivanje rashoda za materijal, sitan inventar i usluge i tekuće transfere (putni troškovi, izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prijevoza i goriva, unajmljivanje imovine, opreme i nematerijalne imovine, izdaci za tekuće održavanje, izdaci osiguranja, bankovnih usluga i usluga platnog prometa, ugovorene i druge posebne usluge i drugi tekući rashodi) i izdataka za nabavku stalnih sredstava.

(3) Izuzetno, ostatak vlastitih prihoda Studentskog centra, nakon pokrića rashoda i izdataka nastalih obavljanjem usluga smještaja i ishrane studenata, koristi se za rashode i izdatke visokog obrazovanja namijenjene unaprijeđenju uslova za obavljanje nastavnog procesa u pogledu prostora i opreme i poboljšanju studentskog standarda.

(4) Odluku o korištenju vlastitih prihoda iz prethodnog stava donosi resorno ministarstvo na prijedlog Univerziteta, uz prethodne konsultacije sa Studentskim centrom. Na odluku iz ovog stava saglasnost daje Vlada Tuzlanskog kantona.

(5) Pod rashodima nastalim obavljanjem poslova iz kojih proizilaze prihodi u smislu stava (1) ovog člana podrazumijevaju se svi troškovi koji su bili neophodni da bi se ostvario vlastiti prihod Univerziteta, kao i svi drugi troškovi koji su neposredno ili posredno vezani za ostvarenje vlastitih prihoda Univerziteta, o čemu obavezno mora postojati dokumentacija.

Član 7.

(Rokovi korištenja vlastitih prihoda)

(1) Vlastiti prihodi mogu se koristiti do 31. oktobra naredne fiskalne godine a neutrošeni dio prihoda postaje javni prihod, izuzev vlastitih javnih prihoda uplaćenih na ime: školarina studenata postdiplomskog/drugog ciklusa studija, školarina studenata doktorskog/trećeg ciklusa studija, dodatne participacije u troškovima za sticanje naučnog stepena magistra nauka, dodatne participacije u troškovima drugog ciklusa studija, dodatne participacije u troškovima za sticanje naučnog stepena doktora nauka, dodatne participacije u troškovima trećeg ciklusa studija, naučnoistraživačkog rada i umjetničko-istraživačkog istručno-istraživačkog rada.

(2) Vlastiti prihodi uplaćeni na ime školarina studenata postdiplomskog/drugog ciklusa studija, školarina studenata doktorskog/trećeg ciklusa studija, dodatne participacije u troškovima za sticanje naučnog stepena magistra nauka, dodatne participacije u troškovima drugog ciklusa, dodatne participacije u troškovima za sticanje naučnog stepena doktora nauka, dodatne participacije u troškovima trećeg ciklusa studija, moraju se iskoristiti u periodu trajanja postiplomskog/drugog ciklusa studija, odnosno perioda potrebnog za sticanje naučnog stepena doktora nauka, nakon čega postaju javni prihodi.

(3) Vlastiti prihodi uplaćeni na ime naučnoistraživačkog rada i umjetničko-istraživačkog i stručno-istraživačkog rada koriste se za ispunjenje svih obaveza organizacionih jedinica proisteklih iz aktivnosti naučnoistraživačkog rada, umjetničko-istraživačkoga i stručno-istraživačkog rada do njihovog potpunog utroška.

(4) Vlastiti prihodi uplaćeni na ime naknade za usluge smještaja i ishrane studenata u Studentskom centru koriste se do njihovog potpunog utroška.

Član 8.

(Odgovornost za naplatu vlastitih prihoda)

(1) Univerzitet je odgovoran za blagovremenu naplatu potraživanja po osnovu vlastitih prihoda, kao i poduzimanje svih mjera za njihovu realizaciju.

(2) Naplaćena sredstva na ime vlastitih prihoda koja su ostvarena gotovinskim plaćanjem i za koje ne postoji mogućnost bezgotovinskog plaćanja evidentiraju se i uplaćuju na depozitni račun najkasnije slijedeći radni dan po prijemu uplate.

IV ZAVRŠNE ODREDBE

Član 9.

(Postupak za izmjene i dopune Pravilnika)

Izmjene i dopune ovog Pravilnika vršit će se na način i po postupku predviđenom za njegovo donošenje.

Član 10.

(Stupanje na snagu)

Pravilnik stupa na snagu danom pribavljanja saglasnosti Vlade Tuzlanskog kantona na isti.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-3170-1/23

Tuzla, 01.06.2023. godine

PREDSJEDNIK
UPRAVNOG ODBORA

Dr. sc. Semir Ahmetbegović, vanr. prof.